

18.07.2018 წელი

ქ. რუსთავი

ერთის მხრივ ა(ა)იპ „ რუსთავსერვის ცენტრი“ (შემდგომში „შემსყიდველი“) წარმოდგენილი მისი დირექტორის გიორგი გოროზიას სახით და მეორეს მხრივ, შპს „ნიუპროტექტორი“ (შემდგომში „მიმწოდებელი“) წარმოდგენილი მისი დირექტორის თამაზ ბოდაველის სახით, სახელმწიფო შესყიდვების კანონის და შპს „ნიუპროტექტორი“-ს სატენდერო წინადადების საფუძველზე, ელექტრონული ტენდერის **NAT180009970** ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“-კალენდარული დღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;
- 1.6 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 **CPV-34300000 - ნაწილები და აქსესუარები სატრანსპორტო საშუალებებისა და მათი ძრავებისათვის, CPV-34352100 - სატვირთო მანქანების საბურავების**

2.2 „მიმწოდებლის“ მიერ ხელშეკრულებით ნაკისრი ვალდებულების აღწერა და მოცულობა მოცემულია დანართ #1-ში

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს **8616 .36** (რვათას ექვსას თექვსმეტი ლარი და ოცდათექვსმეტი თეთრი) ლარს.
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება წარმოებს ხელშეკრულებით გათვალისწინებული საქონლის მიწოდების შემდეგ ხელმოწერილი მიღება-ჩაბარების აქტის სასაქონლო ზედნადებისა ან/და ანგარიშგაქტურის(ასეთის არსებობის შემთხვევაში) საფუძველზე 10 სამუშაო დღის განმავლობაში.
- 4.3 დაფინანსების წყარო: 2018 წლის სახსრები.

5. მიღება-ჩაბარების წესი

5.1 საქონელი ან მისი ნაწილი ჩაითვლება მიწოდებულად მხოლოდ კანონმდებლობით დადგენილი წესით გაფორმებული მიღება - ჩაბარების აქტის გაფორმების შემდეგ, რომელსაც „შემსყიდველის“ მხრიდან ხელს აწერს ა(ა)იპ „რუსთავსერვის ცენტრი“-ს ტექნიკური სამსახურის უფროსი შალვა სომხიშვილი, ა(ა)იპ „რუსთავსერვის ცენტრი“-ს შესყიდვებისა და ლოჯისტიკის სამსახურის უფროსის მოადგილე დავით ხიჯაკაძე, ხოლო მიმწოდებლის მხრიდან შპს „ნიუპროტექტორი“-ს დირექტორი თამაზ ბოდაველი.

5.2 მიღება-ჩაბარების აქტში მითითებული უნდა იყოს:

- „მიმწოდებლის“ მიერ მიწოდებული საქონლის აღწერა;
- „მიმწოდებლის“ მიერ მიწოდებული საქონლის ღირებულება;
- „მიმწოდებლის“ მიერ მიწოდებული საქონლის ჩამონათვალი;

6. საქონლის მიწოდების ვადა და ადგილი

- 6.1 საქონლის მიწოდება განხორციელდება ხელშეკრულების გაფორმებიდან 5 (ხუთი) სამუშაო დღეში.
- 6.2 საქონლის მიწოდების ადგილი: ქალაქი რუსთავი, ალ. ყაზბეგის ქ. N 2

7. მხარეთა უფლება-მოვალეობანი

7.1 „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
 - ბ) არ ჩაიბაროს რაოდენობრივად, ხარისხობრივად ან უფლებრივად ნაკლები საქონელი.
- 7.2 შემსყიდველი ვალდებულია:

ა) უზრუნველყოს „მიმწოდებლის“ მხრიდან ხელშეკრულების საგნით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით;

7.3 მიმწოდებელი უფლებამოსილია

ა) მოსთხოვოს შემსყიდველს ხელშეკრულების საგნით ნაკისრი, შესრულებული, ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებელი ვალდებულია:

ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით.

ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.

გ) მიმწოდებლის მიერ შემოთავაზებული საქონელი შემსყიდველისთვის მიწოდებამდე არ იყოს ექსპლუატაციაში შესული და უნდა იყოს მაღალი ხარისხის. მიწოდებულმა საბურავებმა უნდა უზრუნველყოს დიდი ტვირთამწეობის მანქანების მინიმუმ 50 000 კმ-ს გარბენი. საბურავმა არ უნდა მიიღოს დეფორმაცია, ნორმების დაცვით ექსპლუატაციისას საბურავის სამუხრუჭე მანძილი არ უნდა იწვევდეს საფრთხის შექმნას და საბურავმა არ უნდა გამოავლინოს ისეთი დეფექტები, რომელიც ხელს შეუშლის ტრანსპორტის ნორმალურ ექსპლუატაციას. საბურავის გარბენის რესურსის ამოწურვამდე ქარხნული წუნის აღმოჩენის შემთხვევაში მიმწოდებელმა დაუყოვნებლივ უნდა უზრუნველყოს საკუთარი ხარჯებით წუნდებული საბურავის შეცვლა ახალი ნივთობრივად უნაკლო საბურავით, შემსყიდველის მოთხოვნიდან 3 (სამი) სამუშაო დღეში.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ა(ა)იპ „რუსთაველის ცენტრი“-ს ტექნიკური სამსახურის უფროსი შალვა სომხიშვილი.

8.2 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ გადაგადაცილებულ დღეზე ხელშეკრულების შეუსრულებელი ვალდებულების 0,02% -ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელმოწერიდან და მოქმედებს 2018 წლის 31 დეკემბრის ჩათვლით.

„შემსყიდველი“

ა/ა „რუსთავესერვის ცენტრი“

მის.: (იურიდიული) ქ. რუსთავი მ. კოსტავას გამზ N 20

(ფაქტიური) ქ. რუსთავი ალ. ყაზბეგის ქ. N 2

ს/კ 416 316 016

მიმღები ბანკი: სახელმწიფო ხაზინა

ბ/კ TRESGE22

ა/ა GE24NB0330100200165022

დირექტორი: გიორგი გორგოზია



„მიმწოდებელი“

შპს „ნიუპროტექტორი“

მის: ქ.თბილისი; ზაგესი, ავჭალის
გზატკეცილი # 51

ს/კ 400014195

სს პროგრედიტ ბანკი

ბ/კ MIBGGE22

ა/ა GE12PC0383600100001384

დირექტორი: თამაზ ბოდაველი



დანართი № 1				ფასების ცხრილი				
ავტო მანქანა გზა 53 საბურავები								
№	საქონლის დასახელება	რაოდენობა	ზომის ერთეული	ერთ. ფასი დღგ-ს ჩათვლით	საერთო ფასი დღგ-ს ჩათვლით	მწარმოებელი ქვეყანა	მწარმოებელი კომპანია	მიმღები
1	საბურავი 8,25 R-20	2	ცალი	425.98	851.96	CHINA	BOE COMMERCE LTD	DA801
ავტო მანქანა ზილ-130 საბურავები								
№	დასახელება	რაოდენობა	ზომის ერთეული	ერთ. ფასი დღგ-ს ჩათვლით	საერთო ფასი დღგ-ს ჩათვლით	მწარმოებელი ქვეყანა	მწარმოებელი კომპანია	მიმღები
1	საბურავი 9,0 R-20	2	ცალი	486.16	972.32	CHINA	BOE COMMERCE LTD	DA801
ფსკავიკორი JCB საბურავები								
	დასახელება	რაოდენობა	ზომის ერთეული	ერთ. ფასი დღგ-ს ჩათვლით	საერთო ფასი დღგ-ს ჩათვლით	მწარმოებელი ქვეყანა	მწარმოებელი კომპანია	მიმღები
1	საბურავი 18,4-26-12 PR	2	ცალი	975.86	1951.72	CHINA	QINGDAO MARCHER RUBBER CO.,LTD	SLR4
2	საბურავი 12,5/80-18 14 PR	2	ცალი	396.48	792.96	CHINA	QINGDAO MARCHER RUBBER CO.,LTD	SLR4A
ავტომანქანა MERCEDES-BENZ 970-976 საბურავები								
	დასახელება	რაოდენობა	ზომის ერთეული	ერთ. ფასი დღგ-ს ჩათვლით	საერთო ფასი დღგ-ს ჩათვლით	მწარმოებელი ქვეყანა	მწარმოებელი კომპანია	მიმღები
1	R-17,5 235/75	10	ცალი	305.62	3056.2	CHINA	QINGDAO WINDFORCE TYRE CO.,LIMITED	WA1020
ავტომანქანა MERCEDES-BENZ RAGLIAN საბურავები								
	დასახელება	რაოდენობა	ზომის ერთეული	ერთ. ფასი დღგ-ს ჩათვლით	საერთო ფასი დღგ-ს ჩათვლით	მწარმოებელი ქვეყანა	მწარმოებელი კომპანია	მიმღები
1	საბურავი 12 R-22,5 1824	2	ცალი	495.6	991.2	CHINA	QINGDAO WINDFORCE TYRE CO.,LIMITED	WA1060
საერთო ჯამი დღგ-ს ჩათვლით				8616.36				
თამაშ ბოლიდელი თანამდებობა, სახელი, გვარი								

